

# 大明熹宗愍皇帝宝训

## 卷之一

圣孝

泰昌元年九月癸未礼部尚书孙如游等请

上御文华殿门视事百官行奉慰礼

上曰朕哀痛方殷岂忍遽离丧次其以本月十六日视朝具仪来看

○同日

上谕□□

山陵事重礼工二部堂上官率钦天监并访举精通地理人员一同前往相择复特命大学士刘一燝同往一□等诣

天寿山相度

山陵言自东山口历九龙池周围详阅至皇山二岭其地最吉谨具图说以进

上命择日兴工工部左侍郎王永光言诸凡规制乞取法

昭陵

上曰

皇考陵寝重事营建规制倍宜详慎该部院先会同内监及科道官前诣

昭陵宝城楼殿廊垣等处逐一丈量绘图进览以便裁定仍发帑金五十万以济

陵工 ○九月己丑

谕礼部朕惟自 □王御历休有光烈炳耀一时率荐徽称垂示万世此邦家之彝典亦臣子之极思也恭惟

皇考大行皇帝运际启承道兼述作青宫主鬯养蒙当鼎盛之龄紫极凝符出震继离明之照属绍庭而访□调化瑟以弘张疏滞遂良官联师济沛恩施惠品庶昭苏帝驪王驰仅布三旬之象魏乾旋坤转俨成一代之鸿摹洵哉纘前业以维新裕后昆而诒燕矣昊天不吊龙驭上宾万姓为之摧心

三灵于焉賁色闵予冲眇奄嗣图基率惟救功敢替丕承之绪眷兹永慕式殷在疚之怀懿下文缺

大明熹宗愍皇帝宝训卷之二

上文缺

且卿等

先帝冯几言犹在耳岂可愬然大臣爱君体国道固如是乎尚书周嘉谟李汝华都著即出视事毋得渎陈有蹈不敬其言官论事亦当为朝廷爱惜老成无得任意雌黄至隐讽微词尤非入告之体以后章奏宜明白简易指事直陈毋得故为含糊致人猜忖荧

惑听闻□部院传谕大小各官协恭和衷共修职业以佐朕平明之治故谕

○十二月庚午

上谕部院朕自御极以来遵承

皇考诏命图□政理夙夜靡宁所赖内外臣工协力同心奉公守职二三大僚忠君体国表率诸司辅臣孙如游为朕首简实嘉清慎特用眷酬何乃以浮言求退屡谕不遵使朕不得任用一人朕思

累朝列圣简置阁员多繇宸断当时政务修明直谏不乏亦曾有如此抗阻否至于尚书周嘉谟黄克缙一事小嫌何难销释忿争求胜辄欲乞身且吏部职司统均推举苟无失平何必避就毁誉即刑部近以议狱偏执奉旨不必疑虑何又因事发端遂至互相仿效封印杜门连章求去大臣爵位已极一去何难

皇考顾命诸臣望以佐朕新政岂意

两朝覃庆之后便为纷纷求去之图忘国厚恩藐朕冲幼□□无人臣礼亦复何辞岁除在即百度维新辅臣如游尚书嘉谟克缙都著遵旨即出视事不得仍有陈渎朕又览科道各官章奏持论公平者固多意见偏私者不少亦因大臣忠爱念轻身家计重得以浮说摇撼以致国事溷淆人心惶惑成何纲纪朕奉

祖宗法度不能坐听纷嚣致乱朝政兹特再为申饬此后大臣进退取自上裁小臣去留一听部议如有不奉明旨擅自去职及挟私逞臆显肆倾排者并下廷议治罪卿等可传示各官务各涤虑改图精白一心恪供职业以佐平明之治如或不遵朕命国法具在朕无戏言毋貽后悔故谕

天启元年五月丁未

谕户兵等衙门朕览户部等衙门请发内帑银两朕岂不重念封疆吝惜不发但思军国诸费向有经制

祖宗朝大兵大役率皆外廷调度即在

皇祖时讨平宁镇征播驱倭一切兵饷不闻请帑且帑金积贮有限内廷诸费不费原非额供可应外急迺自东事军兴以来户兵等部不闻长画动请内帑请则危言要挟用则任意开销调募不求精强防御不合窾会耗费徒多绩效鲜睹且如辽东旧兵七万额饷近七十万两新兵十三万岁饷至五十余万乃自辽沈既陷河西官军能几兵数相悬应余多饷即称外解不至假使辽兵全在饷将安出又闻上年发去赏银二百余万荷戈军士未沾文武私囊半满辽城积余亦送贼手朕每念之痛恨见今各衙门候发帑银恐仍前弊多发何益该部可集廷臣议目前所需在内在外孰急孰缓其募调兵马修浚城池整备衣甲器械备御三岔山海抚赏河西款虏赉恤存歿军士等款逐一开列除额派饷银支用外事关紧要方准支用帑银向来积习蠹弊一一剖析毋蹈前辙仍一面奏请定夺卿等大臣务遵

祖宗成宪讲求经国大计严督逋赋勿避怨嫌斟酌给发务求实济主持职掌毋顾



后散评数十语不许止以四六骈语塞责得旨这所奏察吏诸款有裨实政该部通行省直衙门一体申飭

天启二年十一月丙辰刑科左给事中尹同皋言国家察吏原从职掌分功罪自议论变下缺

许投进其命所司知之

○辛酉御史刘廷宣疏言今海内困穷已极当以固结人心为第一义乃有司朘削无状日甚一日乞责成抚按法在必行凡贪墨之吏不时参提务要追赃正法勿止以量处了事至抚臣关系尤重乃始进率多不正若近日王绍徽疏内所称假托要津公单讨保嘍嚅道款呈身自荐者先自不正安能正人乞

敕铨臣主持公道为国择人勿沿门问信致线索得以公行奔竞因而得志

上曰海内民穷已极多因有司朘削以后抚按官论劾有赃私狼籍的都著提问追赃不得以罢官了事这本内所说贪官还指名具奏巡抚官著从公推用不得滥及

天启四年三月己卯吏科都给事中阮大铖言今日民穷财尽极矣而不肖者尚恣攫取以朘其口间有提问者往往虚应了事请自今严著为令凡抚按论劾各官赃私见任追之任所去任追之原籍载入考成转解户部若虑开报过实不妨于中量免以示宽政至于岁终仍著户垣考成起解赃银完欠如梗玩不解不如数者并将地方官从重参处以为党庇之戒

上曰贪吏提问追赃令甲甚严著通行申飭抚按各官论列处分即行定拟追赃赃银照限查核有不遵的即系不职著该部参处

○四月丁酉礼科给事中刘懋言民日益贫吏日益黷宜令道府厅官每月报所属州县廉贪昏明事件于抚按一月一册巡历之日即照册开面诘若他有所访他有所犯则开者之贪昏可知一体罢斥抚按不妨异同不必会稿荐者止如旧额劾者不妨倍加

上曰这本说吏毙民隐最悉抚按官荐劾不当贪廉何所惩劝道府开报连坐前已有旨这所奏一并申飭著实行

慎官评

天启元年五月癸丑吏部尚书周嘉谟言近日官员考语袭用四六组织徒工形神未必尽肖凑合虽巧隐讳反以滋疑臣不自量谬拟一格凡考语册以守才心政年貌开列六款以五等为率守下注或清洁或谨慎或平尝或玷缺或污浊才下注或精练或通达或平尝或疎拙或昏悖心下注或公正或坦直或平尝或隐秘或奸险政下注或勤敏或整办或平尝或宽缓或隳废年下注或方青或而某见以为否者其有所劾也即揭注该管各官某某共报以为不肖或某报以为不肖而某见以为贤者如是则司察与所察之人其优劣公私俱莫逃于通国之指视矣倘有不肖滥竽大憝漏网即褫臣并查原开报等官权其轻重分别处治以为为臣不职者之戒

上曰吏治全系官评若贤否开报失真何凭举劾惩劝这所奏责成司道府厅各官

揭注查参等事著立为规条严加申饬务在必行

杜幸窞

天启元年正月甲申刑科都给事中魏应嘉言近有一种习气中于人之膏盲而不可解者曰居间而已夫所言公公言之今后吏兵二部用人不论廷推铨选但有独身嘱托私宅通书者该部即明白开具其人其书以奏如该部不惜名器不顾地方用非其人或以他途进者容臣等以白简随其后

上是其言戒各部堂上官尽杜私谒不得徇情瞻顾果有偏私科道官据实纠驳

天启二年三月己酉吏科右给事中赵时用言近日升迁太骤赠恤太滥夫国家有一官则有一官之序而历此级斯有彼级之转今奈何于京堂而独越也乘疏通之会为速化之媒尚未经任遽尔移升是家园可作宦途攫取真如捷径至于求赠求恤祇图

恩荫非借国本为题目则捏边功为劳勩以致生前之奸污一恤可以尽洗而未定之评论代口为之游扬乞

敕该部以后每京堂有升转必以到任为序故官有赠恤须详核其生平无概徇情以启幸窞

上曰这所奏升转恩典等事深得朝廷课功实重风励意便著申明遵守不得一概徇情其才品劳勩原自超优显著的不妨酌议奏夺

天启三年十月丙寅河南道御史翟学程疏陈铨政之蠹言吏部统百官均四海者也不惜以情分为赤帜于是司道各属臭味相通巧者被亲拙者见远贤而未开开而未必贤几令乘驄之激扬黯淡无色而二三下吏遂鹰击毛举冀旦暮可足吾事殫其地之出竭其庐之入不足以供鱼肉口朵颐焉则源浊而求流之清必不得之数也若掣签一法尤属可笑缺定于先签掣于后高下其手掩耳偷铃有同儿戏臣犹记为令时见戎政侍郎朱光祚铨政一疏凿凿可行奈何寝阁而不报遵而举之殆不容一日缓者矣

上曰近来吏治不修民生憔悴亟宜振饬这所奏徇情请托等弊著严行禁谕有违犯的科道官指名参处选法量才授官掣签至公亦多窒碍况又借以行私应否更改停止著从长议奏朱光祚前条陈铨政奉旨已久著查原疏覆行

慎荐举

天启元年二月壬戌河南道御史张捷疏荐多人董应举吴搆谦于仕廉胡琳萧近高等

上曰铨叙人才乃吏部职掌本内胪列多员且多见任不无侵官以后申明旧制非奉旨公荐不得率意私举

○闰二月甲午兵部尚书崔景荣覆科道诸臣疏以辽左用兵将材尤急请行保举之法发单咨访科道诸臣各举所知无论见任废闲开送臣部酌择上请即送辽东领兵仍注某系某人所举以验当否在外督抚按官亦各举所知不拘多寡仍行所属武官自总兵以下有怀忠义勇敢之气愿援辽者即一面具奏起送入辽

上曰辽左用人方急依议从公保举卿部仍查酌选用不得尽委推荐

天启二年十一月辛酉户科给事中郭巩请严保举言今天下文不成文而以钱神为文武不成武而以债帅为武乃荐文者满纸龚黄荐武者满纸贲育忠佞未分赏罚终混臣欲悚之以互相救莫如保举之法保举者功则同赏罪则同罚者也此法蚤严奸邪早敛当日保举廷弼者何敢以大言欺

圣听哉

上是之命申饬保举之法

审用人

天启二年九月甲辰四川道御史练国事奏京堂太壅冒滥宜防敬陈内外交重之法一荐举当确一躡转当核一人言当顾一会推当慎又言重内轻外尤其是添注京堂之病根臣子干办职业内外何分如吕坤以吏部参藩薛三才以都科参藩后皆树立多著名迹此近在人睹记者何尝厌薄藩臬也使真卓异而后升京堂则人皆成卓异使不京堂而亦可节钺则人自不求京堂官方其有赖乎

上曰设官原有定制时艰需人所奏内外交重事宜自当斟酌疏通务使人材不壅国事有济

天启三年十一月丁丑吏科给事中郝士膏言京堂添注太多晋陟无地合计实历俸以一年为限限满则放假回籍遇有巡抚卿贰缺出采拔才望而推用之至若南中亦有京堂而人情每薄之谓得与会推之列少也宜同在北者一体推巡抚推卿贰则南北可以互转也南中亦有铨部台省而人情每薄之谓得与于京堂之陟少也宜同在北者一体转年例转京堂则南北可以并重也如是则不惟可以疏京堂且并可以疏考选矣又如监司缺少率虚占于例转之官慢君命误地方此不可训也令自命下日为始逾一年不到任者吏部径自作缺另补而本官仍请旨处分庶几寒怨望之胆内察期远每荡简于部寺之席白简可绳或难为堂卿体面此不可训也合令各堂上察所属有不肖者得不时纠参而敢于反噬堂官者有禁庶几申堂属之体

上曰近来京堂填壅皆因推升太多以后都著查照旧例升转不得徇情滥推其例推方面不到任者即作缺另补不必一年

天启四年正月丁卯大学士叶向高等奏添注一事祇因

皇祖时迁谪过多

皇考与

皇上尽行收召一时人多缺少其势不得不出于此顷科道屡言京堂人多遂将添注遽停夫添注既停则京堂之壅滞愈甚言者欲令其请假告病而去此于政体实为不平何也京堂诸臣虽年力才品不同然其远者皆沉沦摧抑二三十年其近者亦累资而得此今诸臣之起不二三年其至九卿八座者仅数人而邹元标钟羽正冯从吾辈又皆不究其用以去所存无几奈何又生厌薄欲一举而空之又如巡抚一官向来多用老成

历练之人今尽推资浅之有才望者其资深诸臣岂无年力尚强才猷夙抱足当建牙之选独不可兼用一二以示公乎外僚至布政而极向者巡抚之推一内一外故布政多为巡抚次乃京堂今巡抚无一布政矣如其终格则布政之途穷而藩臬无所措足此内外迁转之不平者也南京科道与北颀颀北每岁多转京堂南无一焉此又南北迁转之不平者也

上曰览卿等奏具见公平政体爱惜人才深切铨务京堂添注已有旨至今年冬停止因科道官屡言人多故不准推卿等既称不便还照原旨行但须酌量推补渐次减省毋得徇情滥及以致仍前壅滞其余都著该部查行

责实效

天启五年九月丁巳大学士丁绍轼奏申用人之议大略言今日用人材非素储事无责成致缓急一无足恃请命兵部与各边抚定为充经略之官请命六部九卿科道各举所向来通行称便近因私造低钱甚多真伪难辨惶惑不行著出示晓谕地方军民人等真正大制钱照旧行使不得一概阻滞有故违不遵的依律治罪仍著巡缉厂卫衙门严拏私铸假钱其户工二部官局务须真铜精工如式铸造有低铜搀和铸造恶滥等弊从重究处著一并申饬行

天启五年四月己亥命督理屯田副都御史董应举以屯务归并天津督饷抚臣升应举为工部右侍郎专理铸钱建局荆州统率荆西道催僦铜料工程鼓铸司官亦著工部差遣廉干的去再于产铜处仍建一二局委贤能府佐官员鼓铸务要钱质坚厚利民裕国广东道试御史陈世竣疏言鼓铸既经会议

皇上特遣部臣主之侍郎非不尊也而不兼宪衔则控制无权是当照工部右侍郎总督天下鼓铸钱法事务兼以都察院右佥都御史之衔者也荆西道既委催僦铜料亦须加以管理通省钱法之衔重其事权而一方之鼓铸又不若各省直各自鼓铸而总其成于部院凡省直各择一监司各加一管钱法敕衔各府清军官亦各加钱法二字悉听钱法部院管辖凡行钱处所道府州县悉听节制与饷漕屯盐诸臣一体凡铸钱行钱疏通阻滞钱法官悉听部院年终举劾必如是而后职掌始明体统始正事权始一血脉始通也至于私钱之禁当严唐宋之钱当禁耗蠹之弊当清又在部臣之力为稽核耳

上曰鼓铸大臣须兼宪职

祖宗朝铸钱必坚厚完好故易通行今宜照嘉靖钱式铜料不许低假商人卖钱只许在官炉处所如有私相贩卖者照私盐律治罪一应徵收钱粮其存留杂项及零星未及两者许用钱上纳唐宋旧钱间行不禁

天启六年四月甲申

上传与都察院即今大制钱不行皆因五城兵马总甲人等房号不收大钱以致壅滞著五城御史严加查核限即日回奏

谕饷

天启元年正月己卯

谕户部朕惟辽饷一事该部屡奉明旨自当讲求良策不误军需何至外解中断动以请帑为事况内帑自有经费近岁给发事多如内帑亦乏该部又何所指借且该部所请前后数目参差何从凭据但今彼中告急饷库一空军士枵腹深軫朕衷姑准发帑五十万作速解发以救然眉还著经略各该衙门如法给散官军别项不得借用卿部仍照屡旨集九卿科道各官作速会议足饷清饷画一之策具奏如某处拖欠某处冒破即行查参治罪该部不得仍前因循姑息致误军需故谕天启二年四月丙戌户部尚书汪应蛟疏言今日民愈穷而赋愈重寇弥近而挽输弥急川贵师旅继兴东西饷运交迫即管刘借箸无计取盈反覆思维祇有实简练以求可用之兵核虚冒以清濫用之饷而已往广宁积米浥烂河干者至百二十万自冬徂春帑金及太仓库又发百四十万原议本折兼支而将官不利本色惟欲折色以入私囊其诡名冒领恒十之三所谓额数军兵十四万马六万匹安在昨经臣疏亦云在关七万请

敕经督严行各道细查见在官兵实数整顿营伍分队简练则见在六七万可当十数万之用其虚冒者作何著落务尽数追出冒饷并令本折兼支似可充两三月之饷不使臣部独抱悬罄之忧也

上曰近来空伍绝粮坐坏疆事览奏简兵核饷本折兼支具见裕国捍边长算便行经督抚按各官著实举行其近冒多饷据实开奏以便议处不得朦胧塞责

天启三年六月己巳兵部覆御史吴牲疏言请兵请饷在外者视为固然而清饷清兵在臣等当求可久顷山海关兵经枢辅一番精核谅无虚冒但宜酌定画一移清数到臣以便咨会计臣措饷若蓟密永昌通州有旧额有新增应该督抚列款报臣容臣再行各边督抚及登津二抚细查每岁支饷实数具清册报臣更期严立限期若过期清册不至自督抚而下臣当具名入告听

明旨处分至在京新募振武营兵不无逃亡虚冒容臣确查具覆

上曰各边通不查兵但行索饷虚冒愈多难以处给依议通行清查勒限确报不得违玩振武营兵仍作速核奏

天启六年五月庚戌

上谕户部有兵方有饷饷之多寡以兵为准柳河败衄觉华被劫失兵若干应减粮若干如何不见清查一概混淆本兵职掌何在著作速行督抚官确查报部以便议补班军出关粮饷即于预备应支银内发山海饷司给散

○六月壬申御史宋祜疏言用兵必须请饷用饷必取诸民民不安饷不实则民与兵交病天下事乃大可虞矣慨自逆奴狂逞祸连蜀黔徼兵徼饷加派加督民已皮尽不休兵仍枵腹如故节次行查迄无实数索兵时才云不满六万索饷时复云有十数万相委相蒙恬不知怪窃计督抚诸臣以为问兵之多寡问饷之虚实非当问诸目前之人已也自守山海以来更几抚道更几大帅更几饷司口溯壬戌以至今日某岁费几百万



某岁增几百万议增者倡以何人所增者作何销算筑城堡者修葺几何领抚赏者收办几何买硝黄者上纳几何制火器者存积几何领造船者现船几何买战马者现马几何人人而核之件件而稽之其虚用无实效者侵欺有实迹者核其情罪轻重而究之稽之不少借贷之庶几饷核兵实民困其可苏乎

上曰年来兵饷繁费国用不支这条议核饷之法在逐事逐人一一清查勿容冒滥侵欺诚是确议冢臣王绍徽疏称内府之积日渐消耗正指冒饷为言即著巡关御史刻期查算务要彻底澄清具奏

天启七年四月己未户科都给事中段国璋疏言今太仓之出数较之入数多一百六十三万四千余两以致司农束手闻国初以屯盐供边饷未必全仰给于年例即嗣后仰给年例亦未必若是之多当行各边镇查某镇原额兵若干某年因某事添兵若干添月饷若干事已而兵有无撤去饷有无混领也某镇原额官若干某年因某事增官几员增俸薪几许事已而官有无裁减俸薪有无混支也祈

谕各边镇衙门斟酌而去其甚出孔少一分即入孔留一分渐积以往出入之数或不至大相悬绝乎

上曰边饷日虚民穷日甚非中外加意清厘冒滥逋负究将何极著咨行各边镇督抚道将查核额数造册报部科互相磨对其清汰核实的准与纪录朦胧混报者即时参处

大明熹宗愍皇帝宝训卷之三

大明熹宗愍皇帝宝训卷之四

兴学

天启三年六月壬申礼科给事中郭兴言奏视学之典蒙

俞旨来春举行一切合行事宜谨列款上陈一修学宫一习礼乐一取回四氏博士一令监生复□□□□□□□育人才必先崇重师儒今□□□□□□□□久尚滞家园乞责令刻期□□□□□□毅中同心一德陶镕士□

上曰□□大典著查照旧制覆行祭酒官著行催到

天启四年十月戊申礼部覆太常寺卿胡克俭疏言国家乡学所祀者皆孔子宜礼乐之无弗同乃国家之祭六奏天下府学亦六奏州学间亦有之惟县学绝无奏者及考会典

洪武二十六年颁大成乐器于天下府学令州县依式制造夫州县明明奉

该部如议申饬行

恤忠

天启元年闰二月丙申

赦建文兵部尚书齐泰戚属后裔之在戍所者骆应鹏等三十八家除其戍籍仍查黄子澄戚属一体豁戍从御史田生金之请也

天启二年五月己亥

□□先臣方孝孺忠烈其遗胤与练子宁后一□□□录孝孺在建文朝以侍读学士直文渊□当靖难师入以草诏不从致夷十族其幼□德宗幸宁海谪尉魏泽匿之密托诸生余学夔负入松江岛屿以织网自给华亭俞允妻以养女因冒余姓遂延一线至是其十世孙方忠奕以贡来京伏

阙上书遂有此恤

○六月甲申遵

先帝遗诏恤录先朝遗忠分为二等其以国本抗疏楚毙及建言诏狱受楚遣戍者为一等原任湖广佥事冯应京等共九员赠官有差仍荫一子入监以建言国本降斥遐荒及诖误下狱为民永锢没身者为二等原任吏部稽勋司员外顾宪成等六十六员各赠官有差给与

诰敕

○七月庚申工科右给事中尹同皋为同乡死难三臣张铨何廷魁高邦佐请再加赠官仍许创建一祠春秋致祭至各省直死难辽左如参将张斌武贵等恤典尚稽乞行各省直抚按官各就地方查核优恤

上曰张铨仗节殉难忠义殊伦并何廷魁等俱各查例加赠祠额已赐三忠准与都城外择便建祠致祭本内未恤各官查明一体恤录

○九月辛亥

谕兵部原任辽东总兵官刘渠战歿奉旨查明恤录著作速题覆其祁秉忠等并各衙门题奏有名将士人等都著查明具奏一体优恤以见朝廷慰愍忠魂鼓励人心之意久之

上以刘渠等恤典久不题覆显是吏胥勒索作毙著兵部作速查奏不得庇护兵部具覆因言自广宁失陷一时大将偏裨致身死难者臣部敢不亟优恤但仓卒溃败有委骨荒沙而姓名泯泯者又有明知其死足怜而不知其家世来历者是以咨督抚按查之原籍宁过求之确褒忠尚犹有日毋遽失之疎

圣恩不可轻假也

上曰恤典宜及时给与用慰存歿昭示中外若一意耽延久且废阁岂成政体刘渠等已有旨给恤其余死事名迹奏报已明即与议恤在外行查的仍严立程限不得稽缓

天启三年十二月庚戌保定巡抚张凤翔疏言原任兵部员外赠太常寺少卿谥忠愍杨继盛已给赠谥祭荫仍赐祠立额极为优厚而当时礼臣失于查核独遗葬价一款藁葬至今乞

赐补给已经部覆

上以年远传谕内阁不准给大学士叶向高等言继盛系

世宗皇帝第一忠臣恤典以谥祠为重祭葬特尝格耳与其重而遗其轻殊不可解

宜抚臣之请补部覆之全给也况继盛藁厝浅土使万年流芳之骨不得沾

皇上一杯之恩尤非臣等所安

上曰杨继盛先朝忠臣已经赐谥立祠准补给全葬

天启七年六月丙午延绥总兵杨肇基议建莲妖死难诸义士祠请春秋合祭

上曰纲常万古不毁全赖人心忠义这平妖死难诸人深可嘉尚该镇捐贖建祠具见同袍厚谊著该有司官春秋祭享岁为永例用表忠魂以磨励风俗

安属国

天启元年八月壬午

谕朝鲜国王朕嗣承天位君临万方惟尔世守东藩忠勤素著顷自建酋肆逆辽左用兵尔邦征缮以从兵将捐躯勇战我

皇祖用颁诏谕赉恤有加属者辽沈继没尔复陈兵声援慰集流移边臣奏闻朕甚嘉焉兹特遣官赉奉玺书用褒劳勩并御前所发赏功银三万两给付尔国量行赉犒其沿江一带我军民疮痍奔命留滞未还者令差去官抚定资给不以烦尔其差官带有兵从令其联络声势相机规图约戢部伍不致侵扰尔国君臣将士宜悉朕意明听朕言惟兹逆酋挟我叛人荼毒生灵偪处肘腋罪恶盈贯覆载不容朕方简任文武将吏厚集水陆兵师奉行天诛用摅国愤维尔义激同讎劳宣敌忾安危共域休戚关情其尚饬备周防严兵犄角设奇制胜佐集大功于以保我疆陲固尔封守朕用恢廓版宇亦以绥尔藩邦策尔忠勋垂名史牒詎不伟欤惟尔其钦承之特谕

天启二年八月壬申朝鲜国王李暉进贡谢恩

上以王恪守臣礼助饷惜民忠义可嘉著赐文绮一袭银一百两仍赐敕谕以旌忠节差来陪臣吴允谦等航海入贡险阻备尝额外各加赏赐以彰怀来远人之意

○十一月己未朝鲜国王李暉具疏以总兵毛文龙所获真夷五名诈称小邦之人希图诬陷乞

赐昭雪兵部覆言该国仰戴弥坚

天朝亦推心置腹岂狡奴浮说所能间据俘获达口容扎示毛文龙即立斩于军以塞谗间之口仍开心待鲜嘉与共济

上以该国世称忠顺据奏事理甚明深可嘉尚尔部还移文奖劝以见朝廷体谅至意

天启三年十二月癸巳礼部尚书林尧俞等言朝鲜废立之事以纲常名义讨论之绝之此一定之政体也以翼戴

天朝论则二心通奴者是为我梗同心灭奴者是为我用一顺一逆分而

朝廷之予夺因之此通变之微权也今据昭敬王妃之奏深河宣川之役李暉降奴引贼不谓二心通奴可乎又据属夷头目阿木之报奴儿哈赤领兵马无数要来过河犯抢因毛文龙同高丽夺了马匹伤了达子奴恼恨欲将兵马一半往高丽报讎则谓李倥

之不与我一心灭奴不可也臣部据闰十月内登莱抚臣揭送彼国公结十二通十一月内毛帅呈送彼国公揭十二通自宗室以至八道臣民合词一口皆称暉为悖逆侂为恭顺人情如此固不待勘报至而已了然矣

上曰李侂既系该国臣民公同保结伦叙相应又翼戴恭顺输助兵饷准封朝鲜国王先与敕諭著登莱巡抚官差官同陪臣賚賜其册使候事宁查照旧例行

童奴隶致令豪杰解体志士灰心今边疆口故东夷荐食大风猛士深軫朕怀卿部便张挂榜文通行天下凡山林草泽之间有素怀忠义夙抱韬铃膂力过人猿臂善射可效一臂之用者在京赴兵部报名在外赴抚按衙门验实津送来京朕皆不次擢用卿部再查

祖宗旧制文武各有职掌互相弹压不得仍前牵制庶展豪杰之用布告天下使明知朕意

○十二月甲戌大学士叶向高题目击时艰兴思良将如故左都督戚继光当嘉靖年倭寇海上浙直闽广无不摧残独继光在浙数有战功迨闽中告急势在然眉继光提偏师入闽累战俱捷所捕斩首级载在

实录者殆将二万时兴化已陷赖继光而复省城将危赖继光而存此勋在东南者也迨移薊镇虏方桀骜屡窥畿辅继光简卒搜乘造车制器百凡备御无不厘飭又筑遵化诸城及修砌边墙皆屹然金汤而未尝取给公口加拟便宜有事与经督抚按各官相机商确各不得牵制误事其各官素有蓄养精壮亲丁尽数随带甲仗器械前来本省量给安家行粮该部给与马价银两训练以备缓急毋得以为泛尝故事卿等拟諭来行

天启四年九月乙亥

上传前諭各边镇起用家居宿将行取来京添注五府劄书奉旨已久已到的未到的著兵部查明开奏一面行该督抚官将在家在途的催取前来刻日兼程不得仍前延缓其已到在京的量增俸薪或酌补京营五府实缺管事著有勤劳另加升擢带有家丁来京的酌限名额量给折色口粮以示体悉之意

○十二月壬寅兵部尚书赵彦言大将三军司命所系甚重

祖宗隆崇斯典会议廷推示无私也昨者山西总兵缺出督臣荐举随奉旨推用敢不仰体

睿怀然而恐不可为例也伏乞

皇上为封疆大计申明部科会推之职掌犯者参究而臣部敢有挟私以坏公典者斧钺在上白简在旁谁不谨凜焉

上曰封疆多事选将为急该部务秉公会推各官不得妄举还著申飭行

天启五年四月丁酉

上传兵部方今边疆多事择将须用谋勇兼全的好人不可滥用债帅以致克饷剥军

天启六年四月癸未

上传与兵部闻总兵赵率教满桂二人不和痛思前此失事皆不和所致岂可复蹈前辙著马上差人传去务要协力同心及早干封疆大事功罪一体如有尚气生嫌者朝廷三尺具在决不姑息

○六月戊寅

上谕关门宁前事体重大赵率教遵命作速整理一应战守机宜俱禀督师枢辅方略亦须与抚臣商确而行文武大小官员都要并力同心矢图灭贼毋得偏执己见仍蹈不和覆辙致误边事罪有所归兵部还马上差人传与他每一体遵行

飭边防

天启元年五月乙卯兵部尚书王象乾请申飭各镇边防且言逆奴狂逞海内驿骚我以辽之故处处征调各镇以援辽之故处处空虚酋虏生心势必内讧无以防秋故事遂弃髦之今日之事兵马钱粮应作一家共论中朝荒徼当使一气偕通文武将吏须求一体相济臣久历行间习知塞上情形愿各镇诸臣义激同讎无以彼我起见

上曰东事方急秋防倍宜愆慎各边虏情不无窥睺变动依议行各督抚官参酌新旧条行事宜严加申飭修举实政毋事虚文年来徵调数多仍速补填缺务令兵力有余缓急可赖该镇文武各官以此程课勤怠仍载入考成以备阅核

天启三年九月丁未辽东巡抚张凤翼疏陈关内外情形及布置方略

上曰据奏关门情形布置方略一一巡历目击兼合辅臣筹画且随时移驻督率道将自是巡抚责任一应控御进守奇正声实听与辅督诸臣相度便宜行其墩堡兵马军需等事次第条议内外各官务协心力共图成功

天启四年五月丁巳

上谕内阁朕览登莱巡抚塘报准平辽总兵官毛文龙揭前事为屡获活夷斩首级得获达马夷器等件虽功微小实挫贼锋其复辽之基端在斯乎朕心岂不嘉悦外呈称奴酋与亲信奸人李茂隆等昼夜商议欲以賄买西虏更换旗帜借路潘家口等处进攻谋逆朕思奴酋所谋其志不小更甚于昔也倘以假道长驱其害非浅是以朕不无东顾之忧卿等传示兵部作速马上差人前去传与枢辅总督镇巡当详计塘报作何料理作何策应筹度周全务保无虞其沿途各路并东征将士俱要仔细防御谨慎倍尝及各隘口守把将官都要昼夜不时防守还仔细盘诘出入进贡夷人其中恐有奸细夹带情形仍传户工二部并专督辽饷等官详确毛帅如果缺粮乏器真情并拨船及应用器械一并速发解去军前应用不得迟滞有误军机责有所归特谕

轸边塞

泰昌元年十月丙辰

上谕内阁朕见天气渐寒重念九边军士及辽东援兵荷戈劳苦朕特将

先帝恩赉已行传谕礼部如何尚未给发朕心惻然卿等传示作速题请以称朕怜

念至意

○癸酉

谕户兵二部朕惟登极覃恩赏赉各边军士系

累朝旧典但人数甚多稽查不易近该礼部具奏边军数目恐临期不无增减解银到日著各该巡按御史严行道将设法清查按名给散务使见在者人沾实惠

天启四年八月戊申

谕督师辅臣孙承宗朕以东事倚重于卿日闻猷略布宣兵威震叠固圉恢疆具有次第其军需器甲等项申命所司以时解发兹简内廷库贮并新造神器军器精坚堪用的给发军前应用计发安边神炮虎蹲神炮各一百四十位佛朗机二十副内提炮八十个三眼铁銃五百杆各随用袋篋药匙铅铁石子等全明铁盔一千顶明铁甲一千副大小弓一万张大箭三十万枝各样腰刀一万把各样长枪四百杆开山等斧四百把斩马刀一百三十把钩连枪三十杆特差总副提督内忠勇营御马监掌印太监刘应坤与同忠勇营副提督御马监太监胡良辅纪用陶文督率中军官张守诚等并把牌硬弓金捷等七十七员赉有该监局库查发器仗数目印信揭帖二本一并解赴关门照数验收用助军威以备征剿灭虏之用卿督师行边阅历二载拮据筹画心注身营较之安坐庙堂倍万劳苦朕日夕在念特赐大红坐蟒膝襴蟒衣段罗各一袭彩段四表里银二百两以示眷酬其文武将吏协理宣劳战守官军行间奋力部解赏功银两用备赏犒鼓励兹特发御前银十万两各样蟒衣膝襴段纒一百五十疋听口不时赏功诸需卿以心膺亲臣肩封疆重任诸凡军国大计除章奏批发外一切情形机宜不时入告仍照阁中奏揭封固径达朕前庶借边筹用资庙略肤功早奏饮至还朝朕时伫望焉特谕

○九月乙亥

上传督师辅臣奏调各镇更番将领兵丁经今多时其已起程与未起程的著兵部查明开奏一面差人星驰传与该督抚官未起程的兵饷匱乏加以道路断绝外解不至该部无可措处乞

皇上亟发帑金五六十万应抚虏急需象乾又言抚虏他项可以折银惟蟒段一时无处可买虏又不肯折乞

皇上轸念封疆不吝捐在笥之币以给军需

上曰览卿等所奏抚虏御奴以为犄角具见为国筹边朕甚欣悦所请抚银准发二十万两蟒服量发八百疋解至总督衙门务要点验虏目名数给散以为朝廷款夷之赐其各省外解钱粮迁延不至的卿等传示该部即便移文各该拖欠地方勒限上紧催解以供军需如有借事延缓的著该部科查明据实参奏重治

天启三年八月丁丑礼部尚书林尧俞言带管会同馆主客司主事毕自肃呈称颁赏三卫夷人近五百人户工两部银数千两衣段堆积亦各数千其赏有正有补有正补加添总计其获万有余金宜欢欣领受感恩不暇乃踌躇进退必再三开谕始至赏所银

稍低昂辄欲哄退段疋颜色稍暗即行挑拣衣服入手尽皆抛弃若不知为

朝廷之赐者取而视之多朽蠹破坏随风披裂手不可触始叹夷人骄悍固其天性抑谁实藉之口也织造自有额价顾脆恶如此又琉球等国梯山航海而来

朝廷嘉劳特赐其正使红袍金带从人靴袄等物侈为异数乃更不堪一寓目岂所以宣

皇恩而怀远夷也哉朵颜诸卫岁岁入贡皆积猾熟夷名为纳贡实则要挟闻此项钱粮每岁给发尝累巨万转展侵盗莫可穷诘又有奸商知此等段绢除赏夷之外无人衣著即于开市之后减价收买寄顿燕市迨其纳期径取交收如此则奸毙何时可清夷衅何时可弭也乞

敕工部严加稽核务求精好一切陋规尽行革料商人因税阻滞请免税以劝来者上从之仍命户部行一切内外关津门禁凡系殿工物料俱照例免税

天启六年十月戊申镇守山海太监陶文言关外各口每年所抽木税等银潘家口一千九百余两桃林口九百余两界山岭口八百余两冷口六百余两每岁通计四千有余原非正额之供久作虚糜之耗乞

敕部酌议或解助大工或存留修筑各口城堡

上曰边口各商贸易良苦各口税银既不系正供著尽行蠲免以彰朝廷恤商德意重工作

天启五年四月丙午

上谕工部等衙门朕自御极以来每念两门三殿工程宏钜费用浩繁该部那湊术穷内帑揶括殆尽悠悠忽忽何日告成朕念兹在兹未尝一日释于怀也今中宫等宫诸王公主并司礼监等衙门各监局司库掌印管事牌子及内外私家闲住太监等官恭进助工银共四十万两俱发工所贮藏仍著内外经管监部各官会同巡视科道眼同给发支用俱要实心任事仰体朕怀作速催僱工程早完

三朝阙典毋得仍前怠缓冒破侵欺违者从重参来必不宽赦

罢开采

天启元年十月丙子府军右卫百户陈有继奏请开矿

上曰前者户部上本榷税朕不忍小民重苦陈有继今又以开矿起衅本内有名的俱著锦衣卫拏送镇抚司严行究问

天启六年七月癸酉先是刑科给事中霍维华请开采浙江云雾山以助大工浙江在京乡官骆从宇等言云雾山穷檐瘠地无木可采与黄山不同力请停止

上曰云雾山一时既不堪采著遵前旨加意蓄养以储他年之用不许土民私自伐斫

优者用之无俟商量也不特此也先年年例科道都察院吏科不得与闻此旧规也前尚书赵焕与都察院上疏相争赵焕为御史咨在臣前数年臣犹及见旧规特后人不





乾坤何等时犹上下雷同因循苟且溷为贿赂钻刺之世界乎迹此总督未定之先无妨说出□□□□□□遵纪律凌越不生而久安长□□□□□□扬迹来各差巡按御史弹劾□□□□□□罕及甲科间有刺及不过愞□□□□□□机锋闪烁大诈大奸者不与□□□□□□数荐举中间扬历既久高贤□□□□□□乖方精神衰迈者乎以后御□□□□□□即以白简从事老疾者勒□□□□□□□请加衔俛仍□情塞责臣□□□□□□□□核议处

□□□□□□□□大有裨宪纲依拟申饬□□□□□□□□已户部尚书李宗延言管□□□□□□□卿兼监察御史董应举称畿□□□□□□□易为效所领帑金实用开荒□□□□□□□与高粱与稻穀见有五万五□□□□□□□豆小米杂粮及涿州水旱子□□□□□□□见台省诸臣交章请加节钺□□□□□□□□一节必须隆重若非与以以下缺文

大明熹宗愍皇帝宝训卷之一

圣孝

泰昌元年九月癸未礼部尚书孙如游等请

上御文华殿门视事百官行奉慰礼

上曰朕哀痛方殷岂忍遽离丧次其以本月十六日视朝具仪来看

○同日

上谕□□

山陵事重礼工二部堂上官率钦天监并访举精通地理人员一同前往相择复特命大学士刘一燝同往一□等诣

天寿山相度

山陵言自东山口历九龙池周围详阅至皇山二岭其地最吉谨具图说以进

上命择日兴工工部左侍郎王永光言诸凡规制乞取法

昭陵

上曰

皇考陵寝重事营建规制倍宜详慎该部院先会同内监及科道官前诣

昭陵宝城楼殿廊垣等处逐一丈量绘图进览以便裁定仍发帑金五十万以济

陵工 ○九月己丑

谕礼部朕惟自 □王御历休有光烈炳耀一时率荐徽称垂示万世此邦家之彝典亦臣子之极思也恭惟

皇考大行皇帝运际启承道兼述作青宫主鬯养蒙当鼎盛之龄紫极凝符出震继离明之照属绍庭而访□调化瑟以弘张疏滞遂良官联师济沛恩施惠品庶昭苏帝驪王驰仅布三旬之象魏乾旋坤转俨成一代之鸿摹洵哉纘前业以维新裕后昆而诒燕矣昊天不吊龙驭上宾万姓为之摧心

三灵于焉賁色闵予冲眇奄嗣图基率惟救功敢替丕承之绪眷兹永慕式殷在疚之怀懿下文缺

大明熹宗愬皇帝宝训卷之二

上文缺

且卿等

先帝冯几言犹在耳岂可愬然大臣爱君体国道固如是乎尚书周嘉谟李汝华都著即出视事毋得渎陈有蹈不敬其言官论事亦当为朝廷爱惜老成无得任意雌黄至隐讽微词尤非入告之体以后章奏宜明白简易指事直陈毋得故为含糊致人猜忖荧惑听闻口部院传谕大小各官协恭和衷共修职业以佐朕平明之治故谕

○十二月庚午

上谕部院朕自御极以来遵承

皇考诏命图口政理夙夜靡宁所赖内外臣工协力同心奉公守职二三大僚忠君体国表率诸司辅臣孙如游为朕首简实嘉清慎特用眷酬何乃以浮言求退屡谕不遵使朕不得任用一人朕思

累朝列圣简置阁员多繇宸断当时政务修明直谏不乏亦曾有如此抗阻否至于尚书周嘉谟黄克缙一事小嫌何难销释忿争求胜辄欲乞身且吏部职司统均推举苟无失平何必避就毁誉即刑部近以议狱偏执奉旨不必疑虑何又因事发端遂至互相仿效封印杜门连章求去大臣爵位已极一去何难

皇考顾命诸臣望以佐朕新政岂意

两朝覃庆之后便为纷纷求去之图忘国厚恩藐朕冲幼口口无人臣礼亦复何辞岁除在即百度维新辅臣如游尚书嘉谟克缙都著遵旨即出视事不得仍有陈渎朕又览科道各官章奏持论公平者固多意见偏私者不少亦因大臣忠爱念轻身家计重得以浮说摇撼以致国事溷淆人心惶惑成何纲纪朕奉

祖宗法度不能坐听纷嚣致乱朝政兹特再为申饬此后大臣进退取自上裁小臣去留一听部议如有不奉明旨擅自去职及挟私逞臆显肆倾排者并下廷议治罪卿等可传示各官务各涤虑改图精白一心恪供职业以佐平明之治如或不遵朕命国法具在朕无戏言毋貽后悔故谕

天启元年五月丁未

谕户兵等衙门朕览户部等衙门请发内帑银两朕岂不重念封疆吝惜不发但思军国诸费向有经制

祖宗朝大兵大役率皆外廷调度即在

皇祖时讨平宁镇征播驱倭一切兵饷不闻请帑且帑金积贮有限内廷诸费不费原非额供可应外急迺自东事军兴以来户兵等部不闻长画动请内帑请则危言要挟用则任意开销调募不求精强防御不合窾会耗费徒多绩效鲜睹且如辽东旧兵七万



毙丛生而自己先有拖带不净即对此辈又何以为颜臣今与需次诸臣约一行嘱托臣不能为之讳臣又与同事诸臣约一听嘱托亦愿诸臣勿为臣等讳

上曰以后升除推用一循资望务著实行有故违请托的指名参奏  
严计典

天启元年八月癸巳吏科都给事中薛凤翔以考绩届期条上数款一治行当核其真一惩贪当重其法一监司责成宜严一冲途劳苦宜恤一入覲应为酌免一馈遗应为预杜同时掌河南道御史刘兰亦疏条吏治四毙曰墨曰横曰庸曰浮而吃紧在以抚按核司道以司道察郡邑内外严加禁饬共图维新而大计五花册既定六款仍宜于考语后散评数十语不许止以四六骈语塞责得旨这所奏察吏诸款有裨实政该部通行省直衙门一体申饬

天启二年十一月丙辰刑科左给事中尹同皋言国家察吏原从职掌分功罪自议论变下缺

许投进其命所司知之

○辛酉御史刘廷宣疏言今海内困穷已极当以固结人心为第一义乃有司朘削无状日甚一日乞责成抚按法在必行凡贪墨之吏不时参提务要追赃正法勿止以量处了事至抚臣关系尤重乃始进率多不正若近日王绍徽疏内所称假托要津公单讨保啜嚅道款呈身自荐者先自不正安能正人乞

敕铨臣主持公道为国择人勿沿门问信致线索得以公行奔竞因而得志

上曰海内民穷已极多因有司朘削以后抚按官论劾有赃私狼籍的都著提问追赃不得以罢官了事这本内所说贪官还指名具奏巡抚官著从公推用不得滥及

天启四年三月己卯吏科都给事中阮大铖言今日民穷财尽极矣而不肖者尚恣攫取以朘其口间有提问者往往虚应了事请自今严著为令凡抚按论劾各官赃私见任追之任所去任追之原籍载入考成转解户部若虑开报过实不妨于中量免以示宽政至于岁终仍著户垣考成起解赃银完欠如梗玩不解不如数者并将地方官从重参处以为党庇之戒

上曰贪吏提问追赃令甲甚严著通行申饬抚按各官论列处分即行定拟追赃赃银照限查核有不遵的即系不职著该部参处

○四月丁酉礼科给事中刘懋言民日益贫吏日益黷宜令道府厅官每月报所属州县廉贪昏明事件于抚按一月一册巡历之日即照册开面诘若他有所访他有所犯则开者之贪昏可知一体罢斥抚按不妨异同不必会稿荐者止如旧额劾者不妨倍加

上曰这本说吏毙民隐最悉抚按官荐劾不当贪廉何所惩劝道府开报连坐前已有旨这所奏一并申饬著实行

慎官评

天启元年五月癸丑吏部尚书周嘉谟言近日官员考语袭用四六组织徒工形神

未必尽肖凑合虽巧隐违反以滋疑臣不自量谬拟一格凡考语册以守才心政年貌开列六款以五等为率守下注或清洁或谨慎或平尝或玷缺或污浊才下注或精练或通达或平尝或疎拙或昏悖心下注或公正或坦直或平尝或隐秘或奸险政下注或勤敏或整办或平尝或宽缓或隳废年下注或方青或而某见以为否者其有所劾也即揭注该管各官某某共报以为不肖或某报以为不肖而某见以为贤者如是则司察与所察之人其优劣公私俱莫逃于通国之指视矣倘有不肖滥竽大憝漏网即褫臣并查原开报等官权其轻重分别处治以为为臣不职者之戒

上曰吏治全系官评若贤否开报失真何凭举劾惩劝这所奏责成司道府厅各官揭注查参等事著立为规条严加申饬务在必行

杜幸窞

天启元年正月甲申刑科都给事中魏应嘉言近有一种习气中于人之膏盲而不可解者曰居间而已夫所言公公言之今后吏兵二部用人不论廷推铨选但有独身嘱托私宅通书者该部即明白开具其人其书以奏如该部不惜名器不顾地方用非其人或以他途进者容臣等以白简随其后

上是其言戒各部堂上官尽杜私谒不得徇情瞻顾果有偏私科道官据实纠驳

天启二年三月己酉吏科右给事中赵时用言近日升迁太骤赠恤太滥夫国家有一官则有一官之序而历此级斯有彼级之转今奈何于京堂而独越也乘疏通之会为速化之媒尚未经任遽尔移升是家园可作宦途攫取真如捷径至于求赠求恤祇图

恩荫非借国本为题目则捏边功为劳勩以致生前之奸污一恤可以尽洗而未定之评论代口为之游扬乞

敕该部以后每京堂有升转必以到任为序故官有赠恤须详核其生平无概徇情以启幸窞

上曰这所奏升转恩典等事深得朝廷课功实重风励意便著申明遵守不得一概徇情其才品劳勩原自超优显著的不妨酌议奏夺

天启三年十月丙寅河南道御史翟学程疏陈铨政之蠹言吏部统百官均四海者也不惜以情分为赤帜于是司道各属臭味相通巧者被亲拙者见远贤而未开开而未必贤几令乘驄之激扬黯淡无色而二三下吏遂鹰击毛举冀旦暮可足吾事殫其地之出竭其庐之入不足以供鱼肉口朵颐焉则源浊而求流之清必不得之数也若掣签一法尤属可笑缺定于先签掣于后高下其手掩耳偷铃有同儿戏臣犹记为令时见戎政侍郎朱光祚铨政一疏凿凿可行奈何寝阁而不报遵而举之殆不容一日缓者矣

上曰近来吏治不修民生憔悴亟宜振饬这所奏徇情请托等弊著严行禁谕有违犯的科道官指名参处选法量才授官掣签至公亦多窒碍况又借以行私应否更改停止著从长议奏朱光祚前条陈铨政奉旨已久著查原疏覆行

慎荐举

天启元年二月壬戌河南道御史张捷疏荐多人董应举吴撝谦于仕廉胡琳萧近高等

上曰铨叙人才乃吏部职掌本内胪列多员且多见任不无侵官以后申明旧制非奉旨公荐不得率意私举

○闰二月甲午兵部尚书崔景荣覆科道诸臣疏以辽左用兵将材尤急请行保举之法发单咨访科道诸臣各举所知无论见任废闲开送臣部酌择上请即送辽东领兵仍注某系某人所举以验当否在外督抚按官亦各举所知不拘多寡仍行所属武官自总兵以下有怀忠义勇敢之气愿援辽者即一面具奏起送入辽

上曰辽左用人方急依议从公保举卿部仍查酌选用不得尽委推荐

天启二年十一月辛酉户科给事中郭巩请严保举言今天下文不成文而以钱神为文武不成武而以债帅为武乃荐文者满纸龚黄荐武者满纸贲育忠佞未分赏罚终混臣欲悚之以互相救莫如保举之法保举者功则同赏罪则同罚者也此法蚤严奸邪早敛当日保举廷弼者何敢以大言欺

圣听哉

上是之命申饬保举之法

审用人

天启二年九月甲辰四川道御史练国事奏京堂太壅冒滥宜防敬陈内外交重之法一荐举当确一躐转当核一人言当顾一会推当慎又言重内轻外尤其是添注京堂之病根臣子干办职业内外何分如吕坤以吏部参藩薛三才以都科参藩后皆树立多著名迹此近在人睹记者何尝厌薄藩臬也使真卓异而后升京堂则人皆成卓异使不京堂而亦可节钺则人自不求京堂官方其有赖乎

上曰设官原有定制时艰需人所奏内外交重事宜自当斟酌疏通务使人材不壅国事有济

天启三年十一月丁丑吏科给事中郝士膏言京堂添注太多晋陟无地合计实历俸以一年为限限满则放假回籍遇有巡抚卿贰缺出采拔才望而推用之至若南中亦有京堂而人情每薄之谓得与会推之列少也宜同在北者一体推巡抚推卿贰则南北可以互转也南中亦有铨部台省而人情每薄之谓得与于京堂之陟少也宜同在北者一体转年例转京堂则南北可以并重也如是则不惟可以疏京堂且并可以疏考选矣又如监司缺少率虚占于例转之官慢君命误地方此不可训也令自命下日为始逾一年不到任者吏部径自作缺另补而本官仍请旨处分庶几寒怨望之胆内察期远每荡简于部寺之席白简可绳或难为堂卿体面此不可训也合令各堂上察所属有不肖者得不时纠参而敢于反噬堂官者有禁庶几申堂属之体

上曰近来京堂填壅皆因推升太多以后都著查照旧例升转不得徇情滥推其例推方面不到任者即作缺另补不必一年

天启四年正月丁卯大学士叶向高等奏添注一事祇因

皇祖时迁谪过多

皇考与

皇上尽行收召一时人多缺少其势不得不出于此顷科道屡言京堂人多遂将添注遽停夫添注既停则京堂之壅滞愈甚言者欲令其请假告病而去此于政体实为不平何也京堂诸臣虽年力才品不同然其远者皆沉沦摧抑二三十年其近者亦累资而得此今诸臣之起不二三年其至九卿八座者仅数人而邹元标钟羽正冯从吾辈又皆不究其用以去所存无几奈何又生厌薄欲一举而空之又如巡抚一官向来多用老成历练之人今尽推资浅之有才望者其资深诸臣岂无年力尚强才猷夙抱足当建牙之选独不可兼用一二以示公平外僚至布政而极向者巡抚之推一内一外故布政多为巡抚次乃京堂今巡抚无一布政矣如其终格则布政之途穷而藩臬无所措足此内外迁转之不平者也南京科道与北颀颀北每岁多转京堂南无一焉此又南北迁转之不平者也

上曰览卿等奏具见公平政体爱惜人才深切铨务京堂添注已有旨至今年冬停止因科道官屡言人多故不准推卿等既称不便还照原旨行但须酌量推补渐次减省毋得徇情滥及以致仍前壅滞其余都著该部查行

责实效

天启五年九月丁巳大学士丁绍轼奏申用人之议大略言今日用人材非素储事无责成致缓急一无足恃请命兵部与各边抚定为充经略之官请命六部九卿科道各举所向来通行称便近因私造低钱甚多真伪难辨惶惑不行著出示晓谕地方军民人等真正大制钱照旧行使不得一概阻滞有故违不遵的依律治罪仍著巡缉厂卫衙门严拏私铸假钱其户工二部官局务须真铜精工如式铸造有低铜搀和铸造恶滥等弊从重究处著一并申饬行

天启五年四月己亥命督理屯田副都御史董应举以屯务归并天津督饷抚臣升应举为工部右侍郎专理铸钱建局荆州统率荆西道催儹铜料工程鼓铸司官亦著工部差遣廉干的去再于产铜处仍建一二局委贤能府佐官员鼓铸务要钱质坚厚利民裕国广东道试御史陈世竣疏言鼓铸既经会议

皇上特遣部臣主之侍郎非不尊也而不兼宪衔则控制无权是当照工部右侍郎总督天下鼓铸钱法事务兼以都察院右佥都御史之衔者也荆西道既委催儹铜料亦须加以管理通省钱法之衔重其事权而一方之鼓铸又不若各省直各自鼓铸而总其成于部院凡省直各择一监司各加一管钱法敕衔各府清军官亦各加钱法二字悉听钱法部院管辖凡行钱处所道府州县悉听节制与饷漕屯盐诸臣一体凡铸钱行钱疏通阻滞钱法官悉听部院年终举劾必如是而后职掌始明体统始正事权始一血脉始通也至于私钱之禁当严唐宋之钱当禁耗蠹之弊当清又在部臣之力为稽核耳

上曰鼓铸大臣须兼宪职

祖宗朝铸钱必坚厚完好故易通行今宜照嘉靖钱式铜料不许低假商人卖钱只许在官炉处所如有私相贩卖者照私盐律治罪一应徵收钱粮其存留杂项及零星未及两者许用钱上纳唐宋旧钱间行不禁

天启六年四月甲申

上传与都察院即今大制钱不行皆因五城兵马总甲人等房号不收大钱以致壅滞著五城御史严加查核限即日回奏

诰饷

天启元年正月己卯

谕户部朕惟辽饷一事该部屡奉明旨自当讲求良策不误军需何至外解中断动以请帑为事况内帑自有经费近岁给发事多如内帑亦乏该部又何所指借且该部所请前后数目参差何从凭据但今彼中告急饷库一空军士枵腹深軫朕衷姑准发帑五十万作速解发以救然眉还著经略各该衙门如法给散官军别项不得借用卿部仍照屡旨集九卿科道各官作速会议足饷清饷画一之策具奏如某处拖欠某处冒破即行查参治罪该部不得仍前因循姑息致误军需故谕天启二年四月丙戌户部尚书汪应蛟疏言今日民愈穷而赋愈重寇弥近而挽输弥急川贵师旅继兴东西饷运交迫即管刘借箸无计取盈反覆思维祇有实简练以求可用之兵核虚冒以清濫用之饷而已往广宁积米浥烂河干者至百二十万自冬徂春帑金及太仓库又发百四十万原议本折兼支而将官不利本色惟欲折色以入私囊其诡名冒领恒十之三所谓额数军兵十四万马六万匹安在昨经臣疏亦云在关七万请

敕经督严行各道细查见在官兵实数整顿营伍分队简练则见在六七万可当十数万之用其虚冒者作何著落务尽数追出冒饷并令本折兼支似可充两三月之饷不使臣部独抱悬罄之忧也

上曰近来空伍绝粮坐坏疆事览奏简兵核饷本折兼支具见裕国捍边长算便行经督抚按各官著实举行其近冒多饷据实开奏以便议处不得朦胧塞责

天启三年六月己巳兵部覆御史吴牲疏言请兵请饷在外者视为固然而清饷清兵在臣等当求可久顷山海关兵经枢辅一番精核谅无虚冒但宜酌定画一移清数到臣以便咨会计臣措饷若蓟密永昌通州有旧额有新增应该督抚列款报臣容臣再行各边督抚及登津二抚细查每岁支饷实数具清册报臣更期严立限期若过期清册不至自督抚而下臣当具名入告听

明旨处分至在京新募振武营兵不无逃亡虚冒容臣确查具覆

上曰各边通不查兵但行索饷虚冒愈多难以处给依议通行清查勒限确报不得违玩振武营兵仍作速核奏

天启六年五月庚戌



上谕户部有兵方有饷饷之多寡以兵为准柳河败岨觉华被劫失兵若干应减粮若干如何不见清查一概混淆本兵职掌何在著作速行督抚官确查报部以便议补班军出关粮饷即于预备应支银内发山海饷司给散

○六月壬申御史宋祜疏言用兵必须请饷用饷必取诸民民不安饷不实则民与兵交病天下事乃大可虞矣慨自逆奴狂逞祸连蜀黔徼兵徼饷加派加督民已皮尽不休兵仍枵腹如故节次行查迄无实数索兵时才云不满六万索饷时复云有十数万相委相蒙恬不知怪窃计督抚诸臣以为问兵之多寡问饷之虚实非当问诸目前之人已也自守山海以来更几抚道更几大帅更几饷司□溯壬戌以至今日某岁费几百万某岁增几百万议增者倡以何人所增者作何销算筑城堡者修葺几何领抚赏者收办几何买硝磺者上纳几何制火器者存积几何领造船者现船几何买战马者现马几何人人而核之件件而稽之其虚用无实效者侵欺有实迹者核其情罪轻重而究之稽之不少借贷之庶几饷核兵实民困其可苏乎

上曰年来兵饷繁费国用不支这条议核饷之法在逐事逐人一一清查勿容冒滥侵欺诚是确议冢臣王绍徽疏称内府之积日渐消耗正指冒饷为言即著巡关御史刻期查算务要彻底澄清具奏

天启七年四月己未户科都给事中段国璋疏言今太仓之出数较之入数多一百六十三万四千余两以致司农束手闻国初以屯盐供边饷未必全仰给于年例即嗣后仰给年例亦未必若是之多当行各边镇查某镇原额兵若干某年因某事添兵若干添月饷若干事已而兵有无撤去饷有无混领也某镇原额官若干某年因某事增官几员增俸薪几许事已而官有无裁减俸薪有无混支也祈

谕各边镇衙门斟酌而去其甚出孔少一分即入孔留一分渐积以往出入之数或不至大相悬绝乎

上曰边饷日虚民穷日甚非中外加意清厘冒滥逋负究将何极著咨行各边镇督抚道将查核额数造册报部科互相磨对其清汰核实的准与纪录朦胧混报者即时参处

大明熹宗愍皇帝宝训卷之三

大明熹宗愍皇帝宝训卷之四

兴学

天启三年六月壬申礼科给事中郭兴言奏视学之典蒙

俞旨来春举行一切合行事宜谨列款上陈一修学宫一习礼乐一取回四氏博士一令监生复□□□□□育人才必先崇重师儒今□□□□□□□久尚滞家园乞责令刻期□□□□□毅中同心一德陶镕士□

上曰□□大典著查照旧制覆行祭酒官著行催到

天启四年十月戊申礼部覆太常寺卿胡克俭疏言国家乡学所祀者皆孔子宜礼

乐之无弗同乃国家之祭六奏天下府学亦六奏州学间亦有之惟县学绝无奏者及考会典

洪武二十六年颁大成乐器于天下府学令州县依式制造夫州县明明奉该部如议申饬行

恤忠

天启元年闰二月丙申

赦建文兵部尚书齐泰戚属后裔之在戍所者骆应鹏等三十八家除其戍籍仍查黄子澄戚属一体豁戍从御史田生金之请也

天启二年五月己亥

□□先臣方孝孺忠烈其遗胤与练子宁后一□□□录孝孺在建文朝以侍读学士直文渊□当靖难师入以草诏不从致夷十族其幼□德宗幸宁海谪尉魏泽匿之密托诸生余学夔负入松江岛屿以织网自给华亭俞允妻以养女因冒余姓遂延一线至是其十世孙方忠奕以贡来京伏

阙上书遂有此恤

○六月甲申遵

先帝遗诏恤录先朝遗忠分为二等其以国本抗疏楚毙及建言诏狱受楚遣戍者为一等原任湖广佥事冯应京等共九员赠官有差仍荫一子入监以建言国本降斥遐荒及诖误下狱为民永锢没身者为二等原任吏部稽勋司员外顾宪成等六十六员各赠官有差给与

诰敕

○七月庚申工科右给事中尹同皋为同乡死难三臣张铨何廷魁高邦佐请再加赠官仍许创建一祠春秋致祭至各省直死难辽左如参将张斌武贵等恤典尚稽乞行各省直抚按官各就地方查核优恤

上曰张铨仗节殉难忠义殊伦并何廷魁等俱各查例加赠祠额已赐三忠准与都城外择便建祠致祭本内未恤各官查明一体恤录

○九月辛亥

谕兵部原任辽东总兵官刘渠战歿奉旨查明恤录著作速题覆其祁秉忠等并各衙门题奏有名将士人等都著查明具奏一体优恤以见朝廷慰愍忠魂鼓励人心之意久之

上以刘渠等恤典久不题覆显是吏胥勒索作毙著兵部作速查奏不得庇护兵部具覆因言自广宁失陷一时大将偏裨致身死难者臣部敢不亟优恤但仓卒溃败有委骨荒沙而姓名泯泯者又有明知其死足怜而不知其家世来历者是以咨督抚按查之原籍宁过求之确褒忠尚犹有日毋遽失之疎

圣恩不可轻假也

上曰恤典宜及时给与用慰存歿昭示中外若一意耽延久且废阁岂成政体刘渠等已有旨给恤其余死事名迹奏报已明即与议恤在外行查的仍严立程限不得稽缓

天启三年十二月庚戌保定巡抚张凤翔疏言原任兵部员外赠太常寺少卿谥忠愍杨继盛已给赠谥祭荫仍赐祠立额极为优厚而当时礼臣失于查核独遗葬价一款藁葬至今乞

赐补给已经部覆

上以年远传谕内阁不准给大学士叶向高等言继盛系

世宗皇帝第一忠臣恤典以谥祠为重祭葬特尝格耳与其重而遗其轻殊不可解宜抚臣之请补部覆之全给也况继盛藁厝浅土使万年流芳之骨不得沾

皇上一杯之恩尤非臣等所安

上曰杨继盛先朝忠臣已经赐谥立祠准补给全葬

天启七年六月丙午延绥总兵杨肇基议建莲妖死难诸义士祠请春秋合祭

上曰纲常万古不毁全赖人心忠义这平妖死难诸人深可嘉尚该镇捐贖建祠具见同袍厚谊著该有司官春秋祭享岁为永例用表忠魂以磨励风俗

安属国

天启元年八月壬午

谕朝鲜国王朕嗣承天位君临万方惟尔世守东藩忠勤素著顷自建酋肆逆辽左用兵尔邦征缮以从兵将捐躯勇战我

皇祖用颁诏谕赉恤有加属者辽沈继没尔复陈兵声援慰集流移边臣奏闻朕甚嘉焉兹特遣官赉奉玺书用褒劳勩并御前所发赏功银三万两给付尔国量行赉犒其沿江一带我军民疮痍奔命留滞未还者令差去官抚定资给不以烦尔其差官带有兵从令其联络声势相机规图约戢部伍不致侵扰尔国君臣将士宜悉朕意明听朕言惟兹逆酋挟我叛人荼毒生灵偪处肘腋罪恶盈贯覆载不容朕方简任文武将吏厚集水陆兵师奉行天诛用摅国愤维尔义激同讎劳宣敌忾安危共域休戚关情其尚饬备周防严兵犄角设奇制胜佐集大功于以保我疆陲固尔封守朕用恢廓版宇亦以绥尔藩邦策尔忠勋垂名史牒不伟欤惟尔其钦承之特谕

天启二年八月壬申朝鲜国王李暉进贡谢恩

上以王恪守臣礼助饷惜民忠义可嘉著赐文绮一袭银一百两仍赐敕谕以旌忠节差来陪臣吴允谦等航海入贡险阻备尝额外各加赏赐以彰怀来远人之意

○十一月己未朝鲜国王李暉具疏以总兵毛文龙所获真夷五名诈称小邦之人希图诬陷乞

赐昭雪兵部覆言该国仰戴弥坚

天朝亦推心置腹岂狡奴浮说所能间据俘获达口容扎示毛文龙即立斩于军以塞谗间之口仍开心待鲜嘉与共济

上以该国世称忠顺据奏事理甚明深可嘉尚尔部还移文奖劝以见朝廷体谅至意

天启三年十二月癸巳礼部尚书林尧俞等言朝鲜废立之事以纲常名义论之绝之此一定之政体也以翼戴

天朝论则二心通奴者是为我梗同心灭奴者是为我用一顺一逆分而

朝廷之予夺因之此通变之微权也今据昭敬王妃之奏深河宣川之役李暉降奴引贼不谓二心通奴可乎又据属夷头目阿木之报奴儿哈赤领兵马无数要来过河犯抢因毛文龙同高丽夺了马匹伤了达子奴恼恨欲将兵马一半往高丽报讎则谓李侗之不与我一心灭奴不可也臣部据闰十月内登莱抚臣揭送彼国公结十二通十一月内毛帅呈送彼国公揭十二通自宗室以至八道臣民合词一口皆称暉为悖逆侗为恭顺人情如此固不待勘报至而已了然矣

上曰李侗既系该国臣民公同保结伦叙相应又翼戴恭顺输助兵饷准封朝鲜国王先与敕諭著登莱巡抚官差官同陪臣賚賜其册使候事宁查照旧例行

童奴隶致令豪杰解体志士灰心今边疆口故东夷荐食大风猛士深軫朕怀卿部便张挂榜文通行天下凡山林草泽之间有素怀忠义夙抱韬铃膂力过人猿臂善射可效一臂之用者在京赴兵部报名在外赴抚按衙门验实津送来京朕皆不次擢用卿部再查

祖宗旧制文武各有职掌互相弹压不得仍前牵制庶展豪杰之用布告天下使明知朕意

○十二月甲戌大学士叶向高题目击时艰兴思良将如故左都督戚继光当嘉靖年倭寇海上浙直闽广无不摧残独继光在浙数有战功迨闽中告急势在然眉继光提偏师入闽累战俱捷所捕斩首级载在

实录者殆将二万时兴化已陷赖继光而复省城将危赖继光而存此勋在东南者也迨移蓟镇虏方桀骜屡窥畿辅继光简卒搜乘造车制器百凡备御无不厘飭又筑遵化诸城及修砌边墙皆屹然金汤而未尝取给公口加拟便宜有事与经督抚按各官相机商确各不得牵制误事其各官素有蓄养精壮亲丁尽数随带甲仗器械前来本省量给安家行粮该部给与马价银两训练以备缓急毋得以为泛尝故事卿等拟諭来行

天启四年九月乙亥

上传前諭各边镇起用家居宿将行取来京添注五府劄书奉旨已久已到的未到的著兵部查明开奏一面行该督抚官将在家在途的催取前来刻日兼程不得仍前延缓其已到在京的量增俸薪或酌补京营五府实缺管事著有勤劳另加升擢带有家丁来京的酌限名额量给折色口粮以示体悉之意

○十二月壬寅兵部尚书赵彦言大将三军司命所系甚重

祖宗隆崇斯典会议廷推示无私也昨者山西总兵缺出督臣荐举随奉

旨推用敢不仰体

睿怀然而恐不可为例也伏乞

皇上为封疆大计申明部科会推之职掌犯者参究而臣部敢有挟私以坏公典者斧钺在上白简在旁谁不谨凜焉

上曰封疆多事选将为急该部务秉公会推各官不得妄举还著申饬行

天启五年四月丁酉

上传兵部方今边疆多事择将须用谋勇兼全的好人不可滥用债帅以致克饷剥军

天启六年四月癸未

上传与兵部闻总兵赵率教满桂二人不和痛思前此失事皆不和所致岂可复蹈前辙著马上差人传去务要协力同心及早干封疆大事功罪一体如有尚气生嫌者朝廷三尺具在决不姑息

○六月戊寅

上谕关门宁前事体重大赵率教遵命作速整理一应战守机宜俱禀督师枢辅方略亦须与抚臣商确而行文武大小官员都要并力同心矢图灭贼毋得偏执己见仍蹈不和覆辙致误边事罪有所归兵部还马上差人传与他每一体遵行

饬边防

天启元年五月乙卯兵部尚书王象乾请申饬各镇边防且言逆奴狂逞海内驿骚我以辽之故处处征调各镇以援辽之故处处空虚酋虏生心势必内讧无以防秋故事遂弃髦之今日之事兵马钱粮应作一家共论中朝荒徼当使一气偕通文武将吏须求一体相济臣久历行间习知塞上情形愿各镇诸臣义激同讎无以彼我起见

上曰东事方急秋防倍宜愷慎各边虏情不无窥睥变动依议行各督抚官参酌新旧条行事宜严加申饬修举实政毋事虚文年来徵调数多仍速补填缺务令兵力有余缓急可赖该镇文武各官以此程课勤怠仍载入考成以备阅核

天启三年九月丁未辽东巡抚张凤翼疏陈关内外情形及布置方略

上曰据奏关门情形布置方略一一巡历目击兼合辅臣筹画且随时移驻督率道将自是巡抚责任一应控御进守奇正声实听与辅督诸臣相度便宜行其墩堡兵马军需等事次第条议内外各官务协心力共图成功

天启四年五月丁巳

上谕内阁朕览登莱巡抚塘报准平辽总兵官毛文龙揭前事为屡获活夷斩首级得获达马夷器等件虽功微小实挫贼锋其复辽之基端在斯乎朕心岂不嘉悦外呈称奴酋与亲信奸人李茂隆等昼夜商议欲以賄买西虏更换旗帜借路潘家口等处进攻谋逆朕思奴酋所谋其志不小更甚于昔也倘以假道长驱其害非浅是以朕不无东顾之忧卿等传示兵部作速马上差人前去传与枢辅总督镇巡当详计塘报作何料理作

何策应筹度周全务保无虞其沿途各路并东征将士俱要仔细防御谨慎倍尝及各隘口守把将官都要昼夜不时防守还仔细盘诘出入进贡夷人其中恐有奸细夹带情形仍传户工二部并专督辽饷等官详确毛帅如果缺粮乏器真情并拨船及应用器械一并速发解去军前应用不得迟滞有误军机责有所归特谕

轸边塞

泰昌元年十月丙辰

上谕内阁朕见天气渐寒重念九边军士及辽东援兵荷戈劳苦朕特将先帝恩赉已行传谕礼部如何尚未给发朕心惻然卿等传示作速题请以称朕怜念至意

○癸酉

谕户兵二部朕惟登极覃恩赏赉各边军士系

累朝旧典但人数甚多稽查不易近该礼部具奏边军数目恐临期不无增减解银到日著各该巡按御史严行道将设法清查按名给散务使见在者人沾实惠

天启四年八月戊申

谕督师辅臣孙承宗朕以东事倚重于卿日闻猷略布宣兵威震叠固圉恢疆具有次第其军需器甲等项申命所司以时解发兹简内廷库贮并新造神器军器精坚堪用的给发军前应用计发安边神炮虎蹲神炮各一百四十位佛朗机二十副内提炮八十个三眼铁銃五百杆各随用袋篋药匙铅铁石子等全明铁盔一千顶明铁甲一千副大小弓一万张大箭三十万枝各样腰刀一万把各样长枪四百杆开山等斧四百把斩马刀一百三十把钩连枪三十杆特差总副提督内忠勇营御马监掌印太监刘应坤与同忠勇营副提督御马监太监胡良辅纪用陶文督率中军官张守诚等并把牌硬弓金捷等七十七员赉有该监局库查发器仗数目印信揭帖二本一并解赴关门照数验收用助军威以备征剿灭虏之用卿督师行边阅历二载拮据筹画心注身营较之安坐庙堂倍万劳苦朕日夕在念特赐大红坐蟒膝襴蟒衣段罗各一袭彩段四表里银二百两以示眷酬其文武将吏协理宣劳战守官军行间奋力部解赏功银两用备赏犒鼓励兹特发御前银十万两各样蟒衣膝襴段纁一百五十疋听口不时赏功诸需卿以心膺亲臣肩封疆重任诸凡军国大计除章奏批发外一切情形机宜不时入告仍照阁中奏揭封固径达朕前庶借边筹用资庙略肤功早奏饮至还朝朕时伫望焉特谕

○九月乙亥

上传督师辅臣奏调各镇更番将领兵丁经今多时其已起程与未起程的著兵部查明开奏一面差人星驰传与该督抚官未起程的兵饷匱乏加以道路断绝外解不至该部无可措处乞

皇上亟发帑金五六十万应抚虏急需象乾又言抚虏他项可以折银惟蟒段一时无处可买虏又不肯折乞

皇上轸念封疆不吝捐在笥之币以给军需

上曰览卿等所奏抚虏御奴以为犄角具见为国筹边朕甚欣悦所请抚银准发二十万两蟒服量发八百疋解至总督衙门务要点验虏目名数给散以为朝廷款夷之赐其各省外解钱粮迁延不至的卿等传示该部即便移文各该拖欠地方勒限上紧催解以供军需如有借事延缓的著该部科查明据实参奏重治

天启三年八月丁丑礼部尚书林尧俞言带管会同馆主客司主事毕自肃呈称颁赏三卫夷人近五百人户工两部银数千两衣段堆积亦各数千其赏有正有补有正补加添总计其获万有余金宜欢欣领受感恩不暇乃踌躇进退必再三开谕始至赏所银稍低昂辄欲哄退段疋颜色稍暗即行挑拣衣服入手尽皆抛弃若不知为

朝廷之赐者职取而视之多朽蠹破坏随风披裂手不可触始叹夷人骄悍固其天性抑谁实藉之口也织造自有额价顾脆恶如此又琉球等国梯山航海而来

朝廷嘉劳特赐其正使红袍金带从人靴袄等物侈为异数乃更不堪一寓目岂所以宣

皇恩而怀远夷也哉朵颜诸卫岁岁入贡皆积猾熟夷名为纳贡实则要挟闻此项钱粮每岁给发尝累巨万转展侵盗莫可穷诘又有奸商知此等段绢除赏夷之外无人衣著即于开市之后减价收买寄顿燕市迨其纳期径取交收如此则奸毙何时可清夷衅何时可弭也乞

敕工部严加稽核务求精好一切陋规尽行革料商人因税阻滞请免税以劝来者上从之仍命户部行一切内外关津门禁凡系殿工物料俱照例免税

天启六年十月戊申镇守山海太监陶文言关外各口每年所抽木税等银潘家口一千九百余两桃林口九百余两界山岭口八百余两冷口六百余两每岁通计四千有余原非正额之供久作虚糜之耗乞

敕部酌议或解助大工或存留修筑各口城堡

上曰边口各商贸易良苦各口税银既不系正供著尽行蠲免以彰朝廷恤商德意重工作

天启五年四月丙午

上谕工部等衙门朕自御极以来每念两门三殿工程宏钜费用浩繁该部那湊术穷内帑揶括殆尽悠悠忽忽何日告成朕念兹在兹未尝一日释于怀也今中宫等宫诸王公主并司礼监等衙门各监局司库掌印管事牌子及内外私家闲住太监等官恭进助工银共四十万两俱发工所贮藏仍著内外经管监部各官会同巡视科道眼同给发支用俱要实心任事仰体朕怀作速催儆工程早完

三朝阙典毋得仍前怠缓冒破侵欺违者从重参来必不宽赦

罢开采

天启元年十月丙子府军右卫百户陈有继奏请开矿





领布花如故也以至御马监之马数几何而所费至十七八万象房草场合之亦不下数万此孰非闾阎之膏血惟乞

皇上念宫府一体严谕内外各衙门清查冒滥□□□□□□

□□□□□□□□□裁革

陵□□□□□□□采等二十九名仍

敕以后各衙门效劳非题叙奉旨者悉行停止不得开滥幸之门

清夙弊

天启元年七月乙巳协理京营戎政左金都御史李宗延言京营积弊种种多端此乾坤何等时犹上下雷同因循苟且溷为贿赂钻刺之世界乎迹此总督未定之先无妨说出□□□□□□□遵纪律凌越不生而久安长□□□□□□扬迹来各差巡按御史弹劾□□□□□□罕及甲科间有刺及不过慊□□□□□□机锋闪烁大诈大奸者不与□□□□□□数荐举中间扬历既久高贤□□□□□□乖方精神衰迈者乎以后御□□□□□□□即以白简从事老疾者勒□□□□□□□请加衔俛仍□情塞责臣□□□□□□□□核议处

□□□□□□□□大有裨宪纲依拟申饬□□□□□□□□已户部尚书李宗延言管□□□□□□□卿兼监察御史董应举称畿□□□□□□易为效所领帑金实用开荒□□□□□□与高粱与稻穀见有五万五□□□□□□豆小米杂粮及涿州水旱子□□□□□□见台省诸臣交章请加节钺□□□□□□□一节必须隆重若非与以以下缺文